

Ain Christenlich lied / DES
bewainlichen rods . Caspar Taubers
genant . Burger zu Nien Inns
Brüder Veitten thon
Gedicht jm 1 5 2 5.



UNIVERSITATIS
MONACENSIS
GALLERIA

N98
V hōrt ich wil euch singen aus traurig-
klychē müt/darzū thüt mich bezwingē
das new vergossen blüt/Ains frumē chrisie
Riters/des namē Tauber genant/im ist vil
saurß vñ biters/auch vnrecht worden kant.
Er w̄z ain burger gesessen/zu Wien in ö-
sterreich/seyn lob w̄z hoch gemessen/an hab-
was er auch Reych/het erlich weyb vñ klin-
de vñ was er haben solt/Noch was er ihm
nit zu linde/er hyelt sich auch zu Gott.

Wān man wolte wyssen haben/wie sich
die sach ergieng/So habē in die knaben die
Rottenn köpff zu Wyeñ/mit falscher züche
bezügen wie er ain keger wer/der halb jm
fürgeschrieben ain Renocatz so schür.

In gefenc̄nus in gezwungen jm dückel
mit jm gespilt/ auch da hin getrungen byß
er sich vnder schrib/Er wolte Renociere an
vnser frauentag/da solt er solch volfyeren/
Vn mercket anff seyn klag.

Er stōd demütikalychen still schweigēt in
der höch/vor allem volck so gleiche/biß in d-

pfarer schmecht/ hieß die revocaz verkinde
 Erst hüb er an mit gür/ die hend die thet et
 winden/ O Got ich schrey zu dir.

Gib mir vnd den allen/ du herz erkennen dich
 Das vnser kainer nit falle/ Auch denē über-
 sich/ die noch in finster sitzē/ thū in die Augen
 auß/ dempff in jr eygen wyze / Et weck sye
 von dem schlaff.

Da er het got gebetten/ zu volck er sich schier
 want/ flagt wie man in wolt nöten / Er
 solt alhie zu hand/ d3 wort goz widerriessen
 Das mag ich ye nit thon/ wes augen hie nie
 triessen wen wolts nit zuherzen gon.

Wie wol offt Chormaister/ viel jm in sexn
 wort/ Noch thet er erlych kempffen/ sich an
 kain trewig kort/ auch alles wolt Er bstē/
 vnd ganz nichs wider wende / zway ich nye
 gehalten hone/ vō Maria vñ sacrament.

Vñ wie sy mich an liegen/ vñ mir all meine
 wort/ außs ergest nun chōd biegen/ wie ich
 den Edlen hort/ Mariä ayn mütter rainne
 hab offt vñ diep vernaint/ das Sacrament

ver klainer/man ist auß mich verbain.
 Nach solchen wort müßt er bald dretzen ab/
 gleich da er sich vmkortte/sprach er was ich
 gelert hab/dabey wil ich beleiben vnd wen-
 den nit ain wort drob lassen meinen leybe /
 des seyt mein zeugen dort.

Hin thet man mit jm eylen/ ihn gesenctnus
 also drat/ vnd zwischen disen weylen/ Chor
 mayster gelesen hat /die Reuocag verschri-
 ben mit ganz verdeckten mund /das es die
 da stünd belybē/der zehende kom verständ.
 Doch war nit gar ersötet d widerchristisch
 hauff/er ware da aber genötet sy lagen noch
 darauff/ zum wiß rüff zu treiben den Ritter
 gots für war/doch wolte er sich nit scheitern/
 als klein als viii ain har.

Zum drittē thett man stellē den Tanber für
 das Recht/ da thet sich zamen gesellen vil
 mancher esel schlecht / die heten docttors na-
 men der krönten Pissel vil / die allzu saman
 kamen/jr kann ich nennen will.

Es waren auch entgegen eins Radts vil er-

her man / Alain vō wunders wegen / wie es
 zu letzt wurd gen / daman nu was dar kom-
 en ain Procurator anfieng / jhn latein klagt
 an den frumen / dar auff ain vrteel gyeng .
 Wie er ain kezter were des halb vō in erkāt /
 so er sich nit wolt kerēn / das er da wurt ver-
 brent / O Got des schweren rechtens / wa-
 man nit auff al klag / hert auch ains armen
 knechtes / antwurt vnd widersag .

Dz vrtail wo3 gefallen jr kezter müst er sein /
 hencker in des halben / jm die hend schloß
 ein / mit jm da thet er ellen wol in des rich-
 ters hauß / vil redt er vnderweylen / zu letzt
 spricht er her auff .

Mic hoher stym so freye Nun gesegne euch
 alle got / ich bit euch auch darbey behalten
 Gotes wort / vnd laßt euch nit erschrecken /
 all hye mein schmehentod / sund thöd euch
 dar in stercken / leyden ghört zu dem wort .

Was wirt nit zu gezogen den die erkennen
 dich / sy hond in an gelogen hab jm selb thon
 drey stich / in mainung in zu schenden doch

102 hat er sich der zſicht / thon offenlich entwesen
den zu schand seys jm erdicht.

Dar nach nit ſüber lange / fyengenns fyß wiß
an / da mißt der arem gefangen zum vierten
malen dran / vñ den leib was es geschehen /
mit got macht er seyn bund / Er ſolt jm ſeyn
ſeel verſehen / gleych zu der ſelben ſtund.

Ain wagen was beraittet dar auff da ſaß
der theur / Er ward von ſchergen bleytet zu
ſchwert vnd zu dem feür / auch wiſt das bey
jm ſaffe der henck er hynder jm / ain pfaf der
was jm gehaſſe / also fürens da hin.

Byß an das ort vñ ſtate / dar an er sterben
ſolt / von wagen er frey dratte / auch da nie
wenden wol / vma wortt da wol / er sterbe
die welt die acht er klein / vñ auch des leibs
verderben / hielet ſich anden eckſtain.

Er bat auch alſo ſere in liebe yedermā / das
mā nit heſſig were / in kainem weg wer gran
Den ſo in die höd übergeben / ſy möchten jm
den leib / tödtten die ſel würt ewig leben / bey
Got ewig bleiben.

Ain pfaff der was entgegē der sprach zu ihm
gar schnell/ wie er sey so verwegen das er nit
beichte woll/jm antwurt er gar gschwindes/
seyn sach er schaffen solte/ein höhern in der
gschrift er funde/zu dem er beichten wolt.
Dz ichs außs kürzest mache/w3 thet er aber
hie/nach end verlassner sache/vyel er auß
baide knye/Empfalch got seinen gaiste mit
hochen sensszen vil/Er müst gleich jcz mit
laisten/es was seyn letztes zil.

Der hēcker thet dar schlagē vñ schlüg ihm
ab das haupt/wer wolt nit byllich klagen
man hat ihm ye geraupt/den leib vnd auch
das leben/an eere in gepfent/dem schwert
ward er geben/zu letzt ward er verbrennt.

Also habe jr in gesange in einer summa
hie/wie es zu Wyen sey gangē Es würt mir
brauchen mü/solt ichs von wort zu worten
alß bringē in gesang/Es müst wainen wer
es horte/dz lied wirt zu lang.

Psal. 55.

In Gott hab ich gehofft/ich wird nit fürches
was mir thün wirt der mensch.

